

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

ZAKLJUČAK
o odbacivanju Prijave koncentracije
privrednog subjekta PREMIER WORLD SPORT d.o.o. Čitluk, Bosna i Hercegovina

Sarajevo,
novembar, 2022. godine



Broj: UP-04-26-1-22-6/22
Sarajevo, 16.11.2022. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi s članom 12. Zakona o konkurenciji („Službeni glasnik Bosne i Hercegovine“, broj 48/05, 76/07 i 80/09), a rješavajući po Prijavi koncentracije privrednog subjekta PREMIER WORLD SPORT d.o.o. Čitluk, Kralja Tomislava broj 47, 88 260 Čitluk, Bosna i Hercegovina zaprimljenoj dana 13.09.2022. godine, pod brojem: UP-04-26-1-22-1/22, na 111. (stotinujedanaestoj) sjednici održanoj dana 16.11.2022.godine, donijelo je

Z A K L J U Č A K

1. Odbacuje se Prijava koncentracije privrednog subjekta PREMIER WORLD SPORT d.o.o. Čitluk, Kralja Tomislava broj 47, 88 260 Čitluk, Bosna i Hercegovina radi nepostojanja koncentracije u smislu člana 12. stav (1) Zakona o konkurenciji.
2. Ovaj Zaključak bit će objavljen u „Službenom glasniku Bosne i Hercegovine“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 13.09.2022. godine, pod brojem: UP-04-26-1-22-1/22 zaprimilo Prijavu koncentracije (u daljem tekstu: Prijava) privrednog subjekta PREMIER WORLD SPORT d.o.o. Čitluk, Kralja Tomislava broj 47, 88 260 Čitluk, Bosna i Hercegovina (u daljem tekstu: Premier World ili Podnositelj Prijave) u kojoj je izrazio namjeru pripajanja privrednog subjekta PREMIER SPORT d.o.o. Čitluk, Kralja Tomislava broj 47, 88 260 Čitluk, Bosna i Hercegovina (u daljem tekstu: Premier Sport ili Ciljno društvo).

Uvidom u podnesenu Prijavu, Konkurencijsko vijeće je utvrdilo da ista nije kompletna u skladu sa članom 30. stav (1) Zakona o konkurenciji („Službeni glasnik Bosne i Hercegovine“, broj 48/05, 76/07 i 80/09) (u daljem tekstu: Zakon o konkurenciji) i čl. 9 i 11. Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik Bosne i Hercegovine“, broj 34/10) (u daljem tekstu: Odluka o načinu podnošenja prijave i kriterijima za ocjenu koncentracija privrednih subjekata), te je od Podnosioca Prijave zatražena dopuna iste (akt broj: UP-04-26-1-22-2/22 od dana 28.09.2022. godine).

Podnosilac Prijave je dopunio Prijavu podneskom broj: UP-04-26-1-22- 3/22 dana 05.10.2022. godine.

Konkurencijsko vijeće je dana 14.11.2022. godine (akt broj: UP-04-26-1-22-4/22), Podnosiocu Prijave izdalo Potvrdu o prijemu kompletne i uredne prijave, u smislu člana 30. stav (3) Zakona o konkurenciji.

Konkurencijsko vijeće je u postupku ocjene predmetne transakcije utvrdilo slijedeće činjenice:

Prijava je podnesena u roku u smislu 16. stav (2) Zakona o konkurenciji.

Podnosilac Prijave je naveo da zahtjev za ocjenu koncentracije osim u Bosni i Hercegovini neće podnositi nadležnim organima za zaštitu konkurencije u drugim zemljama.

1. Učesnici predmetne transakcije

Učesnici transakcije su privredni subjekt PREMIER WORLD SPORT d.o.o. Čitluk, Kralja Tomislava broj 47, 88 260 Čitluk, Bosna i Hercegovina i privredni subjekt PREMIER SPORT d.o.o. Čitluk, Kralja Tomislava broj 47, 88 260 Čitluk, Bosna i Hercegovina.

1.1. Privredni subjekt PREMIER WORLD SPORT d.o.o. Čitluk

Privredni subjekt Premier World sa sjedištem na adresi Kralja Tomislava broj 47 u Čitluku je društvo ograničene odgovornosti, registrirano pri Općinskom sudu u Mostaru pod MBS: 1-10460. (..)**¹.

Osnovna registrirana djelatnost privrednog subjekta Premier World je djelatnost priređivanja igara na sreću - kockanje i klađenje.

Privredni subjekt Premier World (..)**.

1.1.1. Privredni subjekt PREMIER SPORT d.o.o. Čitluk

Privredni subjekt Premier Sport je društvo ograničene odgovornosti registrirano pod MBS: 58-01-0059-10 pri Općinskom sudu u Mostaru, (..)**.

Osnovna registrirana djelatnost privrednog subjekta Premier Sport je djelatnost priređivanja igara na sreću - kockanje i klađenje.

Privredni subjekt Premier Sport (..)**.

2. Pravni osnov predmetne transakcije

Pravni osnov transakcije je Pismo namjere koje su direktori privrednih subjekata Premier World i Premier Sport potpisali (..)**.

3. Ocjena predmetne transakcije

Članom 12. Zakona propisano je šta se sve smatra koncentracijom, dok su članom 14. Zakona propisani uslovi pod kojim su učesnici koncentracije obavezni podnijeti prijavu Konkurencijskom vijeću.

Analizom dostavljenih podataka i dokumentacije, Konkurencijsko vijeće je utvrdilo da predmetna transakcija po svom obliku ne predstavlja koncentraciju u smislu člana 12. stav (1) Zakona, jer se ne radi u pripajanju dva nezavisna privredna subjekta, budući da se oba privredna subjekta nalaze u 100% vlasništvu istog fizičkog lica.

Na osnovu navedenog, privredni subjekt Premier World nije bio u obavezi podnijeti Prijavu, te je Konkurencijsko vijeće odlučilo kao u dispozitivu ovog Zaključka.

4. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka d) Odluke o visini administrativnih taksi u vezi s procesnim radnjama pred Konkurencijskim vijećem („Službeni glasnik Bosne i Hercegovine“, broj 30/06 i 18/11) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

¹ (..)** Podaci predstavljaju poslovnu tajnu, u smislu člana 38. Zakona o konkurenciji.

5. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednik

Nebojša Popić